



# An Príomh-Chlár Creidmheasa

## Bileog Eolais

Fógra maidir le Pearsanú Amhrasta a chur ar  
do Thuarascáil Chreidmheasa

[www.centralcreditregister.ie/ga/](http://www.centralcreditregister.ie/ga/)



Banc Ceannais na hÉireann  
Central Bank of Ireland

Eurosystem

## Cad is Fógra maidir le Pearsanú Amhrasta ann?

Tá Tuarascáil Chreidmheasa bunaithe ar fhaisnéis a bheidh curtha ar fáil ag iasachtóirí gach mí don Phríomh-Chlár Creidmheasa.

B'fhéidir go gcreideann tú le réasún go raibh nó go bhfuil pearsanú á dhéanamh ag duine eile ort nó go bhfuil baol ann go ndéanfaidh duine eile pearsanú ort amach anseo. Más amhlaidh atá, is féidir leat Fógra maidir le Pearsanú Amhrasta a chur ar do Thuarascáil Chreidmheasa.

Tá faisnéis phearsanta agus chreidmheasa i do Thuarascáil Chreidmheasa maidir le do chuid iasachtaí go léir, más ionann an iasacht agus €500 nó níos mó, mar aon le haon iarratais a bheidh déanta agat ar iasachtaí le sé mhí anuas. Tá faisnéis thábhachtach inti freisin maidir le do chuid iasachtaí agus iarratas ar iasachtaí.

Is féidir le hiasachtóirí do Thuarascáil Chreidmheasa a iarraidh sna cásanna seo a leanas:

- má tá iarratas déanta agat ar iasacht nua;
- má tá iarratas déanta agat ar théarmaí éagsúla maidir le hiasacht reatha;
- má tá tú i riaráiste le haisíocaíochtaí ar iasacht reatha nó má tá an teorainn ar chárta creidmheasa nó ar rótharraingt sáraithe agat.

I gcás ina n-iarrfaidh tusa, iasachtóir, nó tríú páirtí dár thug tú toiliú, do thuarascáil chreidmheasa fad a bheidh an Fógra maidir le Pearsanú Amhrasta fós i bhfeidhm, beidh an Fógra sofheicthe.

## Cé leis an fhaisnéis seo?

Is leis an Banc Ceannais an fhaisnéis a choinneofar ar an bPríomh-Chlár Creidmheasa. Is rialaitheoir sonraí é an Banc Ceannais faoi na hAchtanna um Chosaint Sonraí. Aon fhaisnéis a tharchuirfidh iasachtóirí chuig an bPríomh-Chlár Creidmheasa, úsáidfear í chun Tuarascálacha Creidmheasa aonair a chruthú. Féadfaidh go gcuideoidh Tuarascáil Chreidmheasa le hiasachtóirí nuair a bheidh cinntí á ndéanamh acu maidir le hiasachtaí nó maidir le hiarratais ar iasachtaí. Tá tuilleadh eolais maidir le bailiú agus úsáid do chuid sonraí ar fáil ar [centralcreditregister.ie](http://centralcreditregister.ie) áit a bhfuil nasc chuig fógra príobháideachais an Bhainc Ceannais maidir le cosaint sonraí.

## Conas a chuirim Fógra maidir le Pearsanú Amhrasta ar mo Thuarascáil Chreidmheasa?

Ní mór duit foirm iarratais a chomhlánú chun Fógra maidir le Pearsanú Amhrasta a chur ar do Thuarascáil Chreidmheasa.

Is féidir é seo a dhéanamh go héasca ar líne ar [centralcreditregister.ie](http://centralcreditregister.ie).

Beidh ort foirm iarratais a chomhlánú agus a phriontáil. Ansin, is féidir leat í a uaslódáil le doiciméid aitheantais áirithe.

Mura féidir leat iarratas a dhéanamh ar líne, déan teagmháil linn chun an fhoirm iarratais a fháil ag:

Ríomhphost: [myrequest@centralcreditregister.ie](mailto:myrequest@centralcreditregister.ie)

Post: An Príomh-Chlár Creidmheasa, Adelphi Plaza, Sráid Sheoirse Uachtarach, Dún Laoghaire, Co. Bhaile Átha Cliath, Éire.

## Cé na doiciméid aitheantais atá ag teastáil?

Beidh cruthúnas céannachta ag teastáil uainn chun leanúint leis an iarratas. Ar an gcaoi sin, cinntítear go bhfuiltear ag cloí le do chearta um chosaint sonraí.

Beidh ort cóipeanna de dhoiciméid a chur ar fáil chun an méid seo a leanas a chruthú:

### 1. Do chéannacht

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheart go mbeadh an doiciméad sin breis agus 6 mhí níos sine ná a dháta éagtha):

- leathanach aitheantais agus sínithe do phas; nó
- an taobh aitheantais (grianghraf agus síniú) de do cheadúnas tiomána AE.

Má tá cóip de cheadúnas tiomána páipéir á cur ar fáil agat, déan cinnte go gcuireann tú na 3 leathanach ar fáil.

### 2. Do sheoladh

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheart go mbeadh an doiciméad sin breis agus 6 mhí níos sine ná dáta d'iarratais):

- bille fónais nó bille líne thalún teileafóin;
- ráiteas ó bhanc, ó chumann foirgníochta nó ó chomhar creidmheasa;
- litir a bheidh dírithe ort ón Roinn Gnóthaí Fostaíochta agus Coimirce Sóisialaí nó ó na Coimisinéirí Ioncaim;
- litir a bheidh dírithe ort ó aon chomhlacht reachtúil eile nó ó aon ghníomhaireacht Stáiteile; nó
- litir a bheidh dírithe ort ó chuideachta árachais maidir le polasaí árachais reatha.

### 3. Uimhir PSP

Uaslódáil cóip d'aon cheann AMHÁIN de na doiciméid seo a leanas ar a dtaispeántar do **UPSP IOMLÁN**. Tá 7 n-uimhir mar aon le 1 nó 2 litir san UPSP. Tabhair faoi deara le do thoil gur gá go mbeidh an téarma "UPSP" le feiceáil go soiléir ar dhoiciméad a úsáidfear mar chruthúnas ar UPSP.

- Cárta Seirbhísí Poiblí - an dá thaobh (éadan agus cúl)
- Cárta leighis
- Cárta don Scéim Íocaíochta Drugaí
- Comhfhreagras a bheidh dírithe chugat ón Roinn Coimirce Sóisialaí nó ó na Coimisinéirí Ioncaim
- Measúnú Cánach nó Fógra maidir le Creidmheasanna Cánach
- Duillín pá, nó Achoimre Sonraí Fostaíochta ó na Coimisinéirí Ioncaim.
- Is féidir an Cárta Eorpach um Árachas Sláinte arna eisiúint ag Rialtas na hÉireann a úsáid freisin i gcás gurb é an *Uimhir Aitheantais Phearsanta* do UPSP

Féach ár Ráiteas maidir le Cosaint Sonraí ag [centralcreditregister.ie](http://centralcreditregister.ie) chun tuilleadh eolais a fháil maidir leis an gcaoi ina bpróiseálar do chuid faisnéise pearsanta.

I gcás iarratas poist, íoslódáil foirm iarratais ag

<https://www.centralcreditregister.ie/ga/iasachtaithe/iarratas-a-chur-isteach-agus-do-chearta-eile/iarratais-poist/> nó déan teagmháil linn ag [myrequest@centralcreditregister.ie](mailto:myrequest@centralcreditregister.ie).

### Cathain a bheidh an fógra le feiceáil?

Cuirfidh an Príomh-Chlár Creidmheasa Fógra maidir le Pearsanú Amhrasta ar do Thuarascáil Chreidmheasa laistigh de 48 uair tar éis dó an fhoirm iarratais chomhlánaithe agus na doiciméid aitheantais iomchuí a fháil

### Conas a bheidh a fhios agam go bhfuil an Fógra maidir le Pearsanú Amhrasta curtha ar mo thuarascáil?

A luaithe a bheidh an Fógra maidir le Pearsanú Amhrasta curtha ar do Thuarascáil Chreidmheasa, cuirfimid litir chugat ina ndeimhneofar é sin amhlaidh.

## Cá fhad a bheidh an fógra ar mo Thuarascáil Chreidmheasa?

Bainfimid an Fógra maidir le Pearsanú Amhrasta tar éis 90 lá nó níos luaithe ná sin má iarrann tú orainn amhlaidh i scríbhinn.

Más mian leat go bhfanfaidh an Fógra maidir le Pearsanú Amhrasta ar do Thuarascáil Chreidmheasa ar feadh tréimhse is faide ná 90 lá, ní mór duit treoir a thabhairt dúinn i scríbhinn á iarraidh sin. Déanfar an Fógra maidir le Pearsanú Amhrasta a fhadú go ceann cibé tréimhse a iarrfaidh tú, ar choinníoll nach faide an tréimhse sin ná 90 lá breise.

## Céard a tharlóidh má lorgaíonn iasachtóir mo Thuarascáil Chreidmheasa nuair a bheidh Fógra maidir le Pearsanú Amhrasta i bhfeidhm?

Fad a bheidh an Fógra maidir le Pearsanú Amhrasta i bhfeidhm, beidh sé le feiceáil ag iasachtóir, agat féin nó ag duine a mbeidh cead tugtha agat dó nó di rochtain a fháil ar do Thuarascáil Chreidmheasa.

Má fhaightear iarratas ó aon duine ar do thuarascáil chreidmheasa, cuirfimid é sin in iúl duit laistigh de 48 uair. Tabharfaimid duit aon fhaisnéis a bheidh tugtha ag iasachtóir don Phríomh-Chlár Creidmheasa fad a bheidh an Fógra maidir le Pearsanú Amhrasta i bhfeidhm.

Cuireann an Príomh-Chlár Creidmheasa le cobhsaíocht airgeadais agus le cosaint tomhaltóirí ar na bealaí seo a leanas:

- cuireann sé anailís chuimsitheach ar fáil d'iasachtóirí maidir le hacmhainneacht creidmheasa iasachtaithe;
- tugann sé faisnéis d'iasachtaithe maidir lena bpróifíl airgeadais;
- tugann sé léargas níos fearr don Bhanc Ceannais ar mhargaí airgeadais;
- tacaíonn sé le ról an Bhainc Ceannais maidir leis an earnáil airgeadais a mhaoirsiú agus maidir le cobhsaíocht airgeadais a áirithiú.

## Tuilleadh Faisnéise

Ar líne: [www.centralcreditregister.ie/ga/](http://www.centralcreditregister.ie/ga/)  
Ríomhphost: [myrequest@centralcreditregister.ie](mailto:myrequest@centralcreditregister.ie)  
Líne Thalún: 01 224 5500